

horoskopoa

A R I E S
martxoak 21 — apirilak 20
Kirola egiteko gomendatu nizunean, ez nintzen xakeaz ari.

T A U R U S
apirilak 21 — maiatzak 20
Zure erromantzeek pelikula onen antza dute. *Happy End* gabekoak dira.

G E M I N I
maiatzak 21 — ekainak 20
Ez zaitetz zooru joan. Beti tximuen kaiolan sartzen zaituzte. Tximuek ez dute errurik.

C A N C E R
ekainak 21 — uztailak 20
Jokoan zortetrik ez duzu baina maitasunean gutxiago. Esaera zaharrei su eman.

L E O
uztailak 21 — abuztuak 23
Zure patua amets kolorekoa da. Bar-ka, amesgaizto kolorekoa.

V I R G O
abuztuak 24 — irailak 23
Atzo arazoak ahaztu zenituen. Gaur, orde, atzoko arazoei ajea gehitu behar!

L I B R A
irailak 24 — urriak 23
Maite hau, ez hau maite, maite hau, ez hau maite.... Esaio! / Esaion!

S C O R P I U S
urriak 24 — azaroak 23
Basamortuko lorea dela uste duzu, baina irudikeria bat besterik ez da.

S A G I T T A R I U S
azaroak 24 — abenduak 23
Denbora aurrera doa baina zure erlojuaren orratzak geldirik daude.

C A P R I C O R N U S
abenduak 24 — urtarrilak 20
Legeak gure herria banatzen duten mugak bezain ustelak dira. Hautsi itzazu!

A Q U A R I U S
urtarrilak 21 — otsailak 18
Orain ere katarroarekin. Zertan ibili zinen atzo gauean? Ez esan. Badakit.

P I S C I S
otsailak 19 — martxoak 20
Zu bakezale hutsa zara. Dudarik ez. Ez duzu sekula kolperik jotzen.

Uxue Agirre

telebista - irratia

SPRINT BEREZIA' SAIOAN LASTERKETAKO PROTAGONISTAK ELKARRIZKETATUKO DITUZTE

Euskal Herriko Itzuliari buruzko informazio zabala ETBn

■ Euskal Telebistak eguerdiko hirurak hamar gutxietatik aurrera zuzenean eskainiko ditu Euskal Herriko Itzuliko etapa guztiak. Astearte, asteazken eta ostegunean zuzeneko konexioak egingo ditu hamabietan eta ostiralean eguneko etaparen lehen sektore osoa emitituko du.

Erredakzioa / Donostia

TXIRRINDULARITZA datozen egunotako programazioaren ardatz nagusia izango da ETBn. Izan ere, kirol hau maite dutenek bihar hasiko den Euskal Herriko Itzuliari buruzko informazio zabala izango dute aste osoan. Urrunera jo gabe, bihar, eguerdiko ordubatean, ETBk probaren aurkezpenaren inguruko saio bat eskainiko du.

Euskal Herriko Itzulia aurtan Legazpin hasiko da eta Gatzaga Gaingo mendatean izango du bukaera. Etapa guztien amaierak ezezik, ETBk konexio bereziak ere egingo ditu lasterketaren unerik interesgarrienak emateko. Hala, asteartean Urbasako mendatearen igoe-za zuzenean eskainiko du, asteazkenean Herrera-koa, eta ostegunean, aldiz, Urdu-ñakoa.

Ostiraleko etapak bi sek-
tore ditu. Lehenak, Garape
eta Arrasate artekoak, 97 ki-
lometro ditu eta Euskal Te-
lebistak zuzenean eskainiko
du goizeko hamarretatik au-
rrera. Bigarren sektoreko er-
lojuaren aurkako probari da-
gokionez, sailkapeneko onen-
en lana ikusteko parada
izango da.

Euskal Herriko Itzuliko
etapa bakoitzaren ostean,
Sprint Berezia deritzan or-
dubeteko saioak lasterketako
protagonistak elkarrizketa-
tzeaz gain, sailkapenak, sari
banaketak eta eguneko eta-
paren analisisa egingo du.
Lasterketaren gora-beherak



Jalabertek, ONCE taldekoak, aurkari gogorrek izango ditu Euskal Herriko Itzulia irabazteko.

jarraitzeko aukera izan ez
dutenentzat, berriz, egunero
gaueko zortzietatik *Gaur*
Egun albistegia hasi arte lu-
zatuko den laburpen mardula
izango da, eta ETB2an *Tele-
berri*-aren barruan egingo
dute laburpena.

Teknologia eta giza baliabide ugari. Euskal Telebistak giza baliabide ugari erabiliko ditu Euskal Herriko Txirrindulari Itzuliaren nondik norakoei buruz ahalik eta egokien in-
formatzeko. Hala, egunero 60
pertsona inguruk lan egingo
dute ETBko ikus-entzuleek
txirrindulari probaren xehe-

tasun nimiñoenak ere bere-
gana ditzaten. Fermin Ara-
mendi kazetariak eguneroko
etapen narrazioan, ohi beza-
la, Marino Lejarreta txirrind-
ulari ohiaren komentario
teknikoen laguntza izango
du. Horretaz gain, Iñigo Aies-
taran unitate motorizatuan
ibiliko da eta lasterketan ger-
ta daitezkeen mugimendu
garrantzitsuenen berehalako
jarraipena egingo du.

Baliabide teknikoen aldetik
ere esfortzu handia egingo du
ETBk. Zuzeneko emanaldiak,
konexio bereziak eta txirrind-
ulari probari buruzko saio
bereziak eskaini ahal izateko,

besteak beste, bi unitate mu-
gikor, kameradun lau motor
eta helikoptero bat erabiliko
ditu. Motorrek GPS sistema
bat daramate txirrindularien
artearen sor litezkeen aldean
berri emateko. Helmugan, ber-
riz, zazpi kamera izanen di-
ra. Gainera, txirrindularien
esprinta ahalik eta hobekien
ikusteko kamera zenital bat
eta kamera supergeldi bat
erabiliko dituzte.

Euskal Herriko Itzuliarekin
aski ez duten txirrindularitza
zaleek badute gaur ere bizi-
kletaz gozatzeko aukera; izan
ere, Flandriako Itzulia
emango dute. X

t . x . o . r . i . t . x . o . a . r . i . m . o . k . o . k . a

OSTIRALAK, punta-puntako egunak bilakatu dira egun gaueko pantailetan. Arrazoiak ulertezinak baino extra-telebisiboak direla baieztatuko nuke, pasa den astean bota nuen teoria finkoa ahaztuko banu. Gero eta jende gutxiago ikusten da kalean asteburuetan. Eta zer esanik ez aste barruan, noski! Non egon daitezke?. Ba telebista ikusten daudela esan genuenean bat gentozenez, han kokatuko ditugu politikoki gero eta zuzenagoak bihurtzen ari diren krisialdi menpeko biztanle berriak. Krisia?. Eta zein krisi?. Psikologikoa, birtuala, jaurtigairik gabekoa...edo bizitza bezain erreala dena?.

Joan den asteko ostiralean eskainitako programazioa jarraitu zenuenok, konturatuko zineten dagoeneko horretaz. Adibide gisa: ezin da *Los Morancos* saioaren itzulia baino ezer inboluzionistagorik asmatu. Ezinez-

Batzuk jaio, besteak hil

koa da. Txarrena berriz hemen datza: ikus-entzulearen esperientzia aber-
ranteak eskatu omen du bikote
arunt horren itzulia. Umorea behar
dela uste arren, argi daukat erro-
matarrek menperatzen zituzten esklabu
legioak baino handiagoak izango di-
rela saioaren jarraitzaileenak. Izan
ere Tele5koek inbasio eskatologiko
horri aurre egiteko, Imanol Arias eta
Emma Suarez tribunaok bidali zituz-
ten gladiadoreen harea beltza zuri-
tze-ko asmotan, *Querido maestro*
izeneko telesail berriaren lehen atala
eskainiz.

Zoritxarrez edo ez nintzen *vini*, ez
nuen *vidi* ezta *vinci* ere. Egun horre-
tan lagun batek umea izan zuen eta
etxean zeukan ganadua gobernatzera

bidali ninduen laguntzaile gisa. Zo-
rionez edo ez zeukan telebistatik. Di-
rudenez egun hartan Euskal Herri-
tik joandako beste lehorreratze bat ger-
tatu zen TVEn: *PC adictos* saioa es-
treinatu zuten. Aurkezleak Cristina
Maestro eta Carlos Sobera dira. Por-
tzierto datorren astean aztertuko
dugu programa horrek bi izen horiek
aurkitzeko pasa den urtean Galdao-
koko K2000 ekoiztetxean egindako
casting susmagarria. Eskerrak, orri
honen goiko lankideek txirrindulari-
tzaren sasoiari irteera eman dioten.
Horiexek bai albiste berriak. Hala ere
zutabe honen hurrengo erronka Ca-
nal Pluseko *guiñolak* sortaraziko afera
politikoa ikertzea da. Lehenbailehen
bete behar dudana esplotatza lana de-
nez, asteburua ondo aprobetxatzera
noa maiteok.

Ines Intxausti



Duela 60 urte
(Apirilak 6, 1937)

'Thorpehall' untziaren afera

Galerna bapere frankistak *Thorpehall* merkataritza untzi britainiarraren aurka su egin zuen. *Galerna*-ren kanoikadak *Thorpehall* jo ez zuen arren, bere kapitainak *Brazen* gerraontziari laguntza eskatu zion. *Brazen* gertaeraren lekura heldu eta berehala, *Almirante Cervera* gerraontzi frankista hurbildu zitzaion. *Brazen*-ek frankistek *Thorpehall*-ek Bilbora arroza besterik ez zeramala ziurtatu zien arren, untzi frankistek *Thorpehall*-i bidia itxi zioten. Geroago, frankistek *Graf Spee* korazatu alemaniarra gehitu zitzaion eta untzi ingelesei *Blanche* eta *Beagle* gerraontziak. Azken horien babesari esker, *Thorpehall* Bilbon sartu zen.